

- e) Tekjur sem aflað er í sambandi við starfsemi rekstrarleyfishafa á ákveðnu rekstrar-sviði, skulu skiptast eftir sömu reglum og um getur í liðum a) til d).
- f) Tekjur, sem ekki er aflað sem hluta af starfsemi rekstrarleyfishafa á ákveðnu rekstrar-sviði, er óheimilt að færa í sérgreind reikningsskil þeirra.

Rekstrarleyfishafi, sem lagðar hafa verið á kvaðir um alþjónustu, skal innan 3ja mánaða gera Póst- og fjarskiptastofnun grein fyrir því hvernig sérgreining kostnaðar og tekna verður útfærð. Allar breytingar sem síðar verða gerðar á reikningsaðferðum eru háðar samþykki Póst- og fjarskiptastofnunar.

Að öðru leyti skulu gilda reglur um bókhald fjarskiptafyrirtækja sem samgönguráðherra setur.

#### 14. gr.

##### *Eftirlit Póst- og fjarskiptastofnunar.*

Póst- og fjarskiptastofnun er heimilt í samræmi við 5. gr. laga nr. 110/1999 að krefjast þess að rekstrarleyfishafi upplýsi um alla þætti starfsemi sinnar tengda alþjónustu. Stofnunin skal fyrirvaralaust hafa aðgang að reikningsbókhaldi rekstrarleyfishafa og eigi síðar en 6 mánuðum eftir lok reikningsárs skal rekstrarleyfishafi afhenda stofnuninni sérgreind reikningsskil rekstrarþátta sem tengjast alþjónustu.

#### 15. gr.

##### *Skýrsla Póst- og fjarskiptastofnunar.*

Póst- og fjarskiptastofnun skal birta opinberlega á ári hverju skýrslu um kostnað við alþjónustu og framlög allra aðila til jöfnunarsjóðs.

#### 16. gr.

##### *Viðurlög.*

Brot á reglugerð þessari varða viðurlögum samkvæmt XVI. kafla laga nr. 107/1999 um fjarskipti.

#### 17. gr.

Reglugerð þessi sem sett er samkvæmt 13. og 15. gr. laga um fjarskipti nr. 107/1999 staðfestist hér með til að öðlast þegar gildi og birtist til eftirbreytni öllum þeim sem hlut eiga að máli. Jafnframt fellur úr gildi reglugerð nr. 216/1998 um alþjónustu.

*Samgönguráðuneytinu, 10. ágúst 2000.*

**Sturla Böðvarsson.**

*Ragnhildur Hjaltadóttir.*

## REGLUR

### um innkaup og sölu tóbaks og skilmálar í viðskiptum við birgja.

#### 1. Reglur um flokka tóbaks.

##### 1.1 Tóbaki er deilt í 4 söluflokka:<sup>1)</sup>

- Kjarna.
- Reynsluflokk.
- Sérflokk.
- Sérpantanir.

1) Sjá orðskýringar í tl. 1.8.

- 1.2 Í *kjarna* eru sölutegundir<sup>1)</sup> (vörunúmer) sem flust hafa úr reynsluflokki í *kjarna* og vörur sem voru í þeim flokki 15. nóvember 1996 og eigi hafa fallið úr *kjarna* samkvæmt ákvæðum reglna ÁTVR um innkaup og sölu tóbaks. Kjarninn er endurmetinn í mánuði hverjum. Nái sölutegund í *kjarna* ekki 0,3% af heildarsölu vöruflokks<sup>1)</sup> á undanförunum 12 mánuðum fellur hún úr *kjarna*. Sölutegund í vöruflokki 33 (1) þarf þó að ná 20% af heildarsölu vöruflokks til að haldast í *kjarna*. Birgðir sölutegundar, sem felld hefur verið úr *kjarna*, má selja sem um vöru í *kjarna* væri að ræða. Séu tvær eða fleiri sölutegundir sömu tóbakstegundar<sup>1)</sup> boðnar til sölu og hvorug eða engin þeirra nær áskildu söluhlutfalli en samanlögð sala tóbakstegundar nær söluhlutfallinu, þá skal sú sölutegund, sem birgir velur, haldast áfram í *kjarna* en aðrar sölutegundir falla úr *kjarna*.
- 1.3 Í *reynsluflokki* eru að jafnaði 40% af tölu sölutegunda sem eru í *kjarna*. Vara í þessum flokki er í reynslusölu í 24 mánuði. Að loknu því tímabili flyst sölutegundin í *kjarna*, hafi hún náð 0,3% af heildarsölu vöruflokksins. Sölutegund í vöruflokki 33 (1) þarf þó að ná 20% af heildarsölu vöruflokks. Við útreikning skal miða við sölu í 12 heila mánuði er næstir koma undan síðasta mánuði sölutímans og salan borin saman við heildarsölu vöruflokksins á sama tímabili.
- 1.4 Vara sem fellur úr reynslusölu vegna ónógrar eftirspurnar verður ekki tekin aftur til reynslu fyrr en 12 mánuðir hafa liðið frá því sölu hennar var hætt. ÁTVR getur ákveðið að taka aðeins eina tegund í hverjum vöruflokki til reynslusölu eða á biðlista til reynslusölu frá sama birgi.
- 1.5 *Sérflokkur* tekur til vöru sem er keypt inn til að auka fjölbreytni í úrvali vindla og pípútóbaks. Vöruvalsnefnd ÁTVR ákveður hvaða tegundir tóbaks eru falar í sérflokki. Sala vöru í sérflokki telst ekki, þegar metinn er söluárangur í *kjarna* eða í reynsluflokki.
- 1.6 Tóbak sem fellur ekki undir ofangreinda flokka má sérpanta.
- 1.7 Tóbaki í *kjarna* og reynslusölu er skipt í eftirfarandi vöruflokka:
- Neftóbak
- Reyktóbak
- 33 (1) Vindlingar, tjara minni en eða jöfn 6 mg
- 33 (2) Vindlingar, tjara yfir 6 mg
- 34 (1) Vindlar  $\leq 3,15$  g/stk.
- 34 (2) Vindlar  $> 3,15 - 4,25$  g/stk.
- 34 (3) Vindlar  $> 4,25$  g/stk.
- 1.8 Orðskýringar.
- Söluflokkur: Röðun vöru í hóp eftir rétti til söluframboðs hjá ÁTVR.  
Dæmi: Kjarni.
- Vöruflokkur: Skipan vöru í hóp eftir meginéinkennum er tengjast mismunandi framleiðsluaðferðum.  
Dæmi: Vindlingar, neftóbak.
- Tóbakstegund: Vara sömu gerðar að efni til þótt einstakar einingar hennar geti verið breytilegar eftir umbúðum.  
Dæmi: London Docks.
- Sölutegund: Vara sem er svo frábrugðin öðrum vörum að hún fær sérstakt númer og verð í söluskrá ÁTVR.  
Dæmi: 10 vindla pakki af London Docks.

1) Sjá orðskýringar í tl. 1.8.

## 2. Um meðferð tilboða á vöru í reynslusölu.

- 2.1 Sótt skal um hverja sölutegund á eyðublaði sem ÁTVR lætur í té. Færa skal erindi í skrá í þeirri röð sem þau berast. Sendi birgir tvö eða fleiri boð samtímis, skal hann skrá á tilboðsblöðin þá röð, sem hann óskar að fylgt verði við skráninguna. Skráin sýni nafn tilboðsgjafa, heiti vöru og umbúðastærð, magn tjöru og nikotíns, sé um vindlinga að ræða, þyngd vindla og kornastærð neftóbaks. Skráin liggja frammi í afgreiðslu ÁTVR, Stuðlahálsi 2, 110 Reykjavík, þeim til skoðunar, sem óska.
- 2.2 Tilboð og sýnishorn fara til vöruvalsnefndar sem metur vöruna og gefur skriflega umsögn, leggist hún gegn reynslusölu. Umsögn er föl þeim sem bauð fram vöruna.
- 2.3 Að fengnu mati vöruvalsnefndar skal tilkynna þeim sem tilboð gaf niðurstöðu. Hafi nefndin ekki mælt gegn reynslusölu, tilkynnir innkaupastjóri birgi, hvenær reynslusala eigi að hefjast og gengur frá samningi við tilboðsgjafa í samræmi við tilboðið og innkaupaskilmála ÁTVR. Samningur skal gerður a.m.k. 3 mánuðum áður en reynslusala hefst. Hefjist sala eigi innan mánaðar frá upphafsdegi sölu skv. samningi, fellur samningurinn úr gildi.

## 3. Um sérpantanir.

- 3.1 ÁTVR sérpantar tóbak af frísvæði eða erlendis frá fyrir einstaklinga til eigin neyslu gegn greiðslu á 400 kr. í pöntunarkostnað sem eru óafturkræfar nema því aðeins að engin pantaðra tegunda sé fáanleg. Greiðslan er óháð magni og fjölda tegunda. Að auki greiðir sá er pantar ÁTVR tryggingarfé er nemur áætluðu cif-verði vörunnar. Sérpantaðri vöru verður ekki skilað nema hún teljist ónothæf vegna galla.
- 3.2 Sala sérpantaðrar vöru telst ekki, þegar metinn er söluárangur í kjarna eða í reynsluflokki.

## 4. Skilmálar í viðskiptum við birgja.

- 4.1 Reglur fyrir birgja sem selja vilja tóbak í kjarna eða í reynsluflokki.
- 4.2 Senda skal ÁTVR tilboð um vöru, verð og staðfestingu þess að þeim séu kunnir innkaupaskilmálar ÁTVR og þeir séu reiðubúnir að hlíta þeim. Birgi á EES-svæði er heimilt að bjóða verð vöru í mynt lands innan svæðisins að eigin vali. Birgir utan svæðisins skal bjóða verð í USD, GBP eða EUR. Allir verðþættir vöru skulu vera í sömu mynt.
- 4.3 Tilboði skal skila á þar til gerðum eyðublöðum sem ÁTVR lætur í té. Texti eyðublaðanna er á íslensku og ensku.
- 4.4 Sýnishorn, tvær sölueiningar og vöruvottun, skulu send ÁTVR án endurgjalds, þegar þess er óskað, að jafnaði 4 mánuðum áður en reynslusala hefst. Eyðublað fyrir vottun er fylgiskjal með reglum þessum.
- 4.5 Áletranir og umbúðir verða að vera í samræmi við íslensk lög og reglur, og reglur og staðla Evrópusambandsins. Strikamerki – EAN eða UPS – verða að vera á hverri sölueiningu og á hverjum kassa (ytri umbúðum).
- 4.6 Um aðvörunarmerki á umbúðum tóbaks fer skv. þeirri reglugerð sem í gildi er hverju sinni.
- 4.7 Vara sem ÁTVR kaupir skal vera óbreytt að gerð samningstímamann nema ÁTVR samþykki annað. Það telst breyting á vöru fáa hún nýtt efnainnihald, breytta stærð og útlit umbúða og gerð sölueiningar.
- 4.8 ÁTVR kaupir ekki fínkornótt neftóbak og ekki munntóbak að undanskildu skrotóbaki.
- 4.9 Vindlingur má ekki gefa frá sér meira magn tjöru en 12 mg.
- 4.10 Þeir sem bjóða vöru í reynslusölu skuldbinda sig til að lána ÁTVR hana (cif-verð) reynslutímamann. ÁTVR greiðir birgi mánaðarlega andvirði seldrar vöru. Birgjar skuld-

binda sig einnig til að taka til baka þá vöru sem óseld kann að vera við lok reynslu-tímans. Verði varan valin í kjarna fer samkvæmt samningi birgis og ÁTVR hversu mikið af hinni óseldu vöru ÁTVR kaupir. Sé birgir utan Evrópu eða Bandaríkjanna kaupir ÁTVR vöru á cif-verði frá viðkomandi höfn. Inkóskilmálar 1990 gilda um allar vörusendingar.

- 4.11 Í samningi skal tilgreina, hvenær fyrsta afhending vöru til ÁTVR geti hafist. Pöntun skal jafnan staðfesta innan 9 daga. Með staðfestingu fylgi upplýsingar um afhending-  
artíma. Berist ÁTVR ekki staðfesting eða upplýsingar um afhendingu vöru innan 30  
daga frá pöntun fellur samningur um kaup vörunnar úr gildi. Skeiki meiru en 30  
dögum, að afhending vöru sé í samræmi við upplýsingar, fellur samningurinn úr gildi.
- 4.12 ÁTVR greiðir vöru 60 dögum eftir dagsetningu reiknings birgis.
- 4.13 Birgjar geta hækkað verð sitt þrisvar á ári: 1. febrúar, 1. júní og 1. október. Tilkylnna  
skal verðhækkun skriflega með a.m.k. þriggja mánaða fyrirvara, þ.e. eigi síðar en 1.  
nóvember, 1. mars og 1. júlí.

## 5. Ábyrgð á vöru.

- 5.1 Um ábyrgð gagnvart þriðja aðila gilda almennar reglur.
- 5.2 Birgir taki til sín og endurgreiði við móttöku vöru sem er ósöluhæf vegna gallaðra  
umbúða eða innihalds.
- 5.3 Taki birgir eigi til sín gallaða vöru eða vöru sem ekki hefur selst nægilega í reynslu-  
flokki áskilur ÁTVR sér rétt til að krefjast geymslugjalds fyrir vöruna. ÁTVR er  
heimilt að láta eyða vörunni á kostnað birgis þegar tvær vikur eru liðnar frá því birgi  
var tilkynnt að hann ætti að taka vöruna til sín. Heimilt er að skuldajafna kostnaði  
við andvirði sölu á vörum birgis.

### *Ákvæði til bráðabirgða.*

Heimilt er að hafa allt að 5 sölutegundum af vindlingum í vöruflokki 33 (1) samtímis  
í reynslusölu þar til sölutegundir í kjarna í þeim vöruflokki eru orðnar 5. Eftir það fer um  
töku vöru til reynslusölu eftir almennum reglum.

Reglur þessar koma í stað reglna nr. 633/1998 og taka gildi 15. september 2000.

Reykjavík, 10. maí 2000.

Í stjórn Áfengis- og tóbaksverslunar ríkisins:

Hildur Petersen.

Þórhallur Jósefsson.

Anna Margrét Jóhannesdóttir.

Reglur þessar um innkaup og sölu tóbaks og skilmála í viðskiptum við birgja staðfest-  
ast hér með.

*Fjármálaráðuneytinu, 23. ágúst 2000.*

F. h. r.

**Árni Kolbeinsson.**

---

*Halldór Þorkelsson.*